

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacrae Regiae Majestatis  
Borussicae Magni Cancellarii, A Consiliis Sanctioribus  
Status Et Rei Bellicae, Ordinis Nigrae Aquilae Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiae, 1766**

LIB. XLII. TIT. III. De Cessione Bonorum.

**urn:nbn:de:gbv:45:1-9050**

contra negationem, v. g. furti, restituitur, cum satisfaciendo potuisset evitare poenam quadrupli, vel dupli &c. Illa enim facile fieri intelligitur ex lubrico ætatis. Idem quoque est, si in legem committit ex juris ignorantia, de quo ad *Obj. 3.*

Ex quo ipso apparet, locus videri, si proprii facti delictum fateatur: nec minor enim adeo destitutus est iudicio, ut ultro reum delicti se ipsum, nisi vere reus esset, constituturus sit. Tandiu ergo pro reo habebitur, donec probet, non fuisse delictum, quo casu ne quidem opus est restitutione; quia & major tamen liberatur, *l. 23. §. f. l. 24. l. 25. pr. ff. ad L. Aquil.*

OBJ. (1) *L. 6. §. p. ff. de Confess.*

RESP. Non agitur ibi de fatente delictum, sed regula ibi ponitur, cuius exceptio est in delictis. *l. 37. §. 1. ff. de Min.*

OBJ. (2) *d. l. 9. §. 2.*

RESP. Ejus jam exposita est sententia.

OBJ. (3) *L. 1. C. Si adv. del.* ubi contra delicta, quæ non ex animo, sed extra veniunt, restituitur ætas: adeoque & contra confessionem delicti.

RESP. Loquitur ibi de delictis, quæ non ex animo, sed extra, i. e. citra animum, ignorantia forte Juris, committuntur: uti exemplum est in *L. 2. C. eod.* Si mater minor negligat suis liberis tutores prætere, illa privatur successione: at contra hoc delictum potest restitui; quia delictum ejus in ignorantia Juris, non vero in animo consistit.

Atque ita minori, stuprum confessio, restitutio denegata fuit in contradictorio, in causa Buchtemants, contra Pfilip, d. 8. Octobr. 1709. Menf. Maj. 1710. Conf. omnino supra *tit. de Minor. q. 15.*

## DE CESSIONE BONORUM.

Qv. I. *An filiusfamilias, fraude obæeratus, bonis cedere possit?*

*Laut. pag. 581. verb. modo sit.* **N**EGATUR: Quia beneficia delinquentibus non dantur; vid. *L. 39. de Min. L. p. de Jur. dot. L. f. de In jus voc. l. 7. §. 3. de Jurisd. l. 1. §. f. de Poen.* Cessio autem est beneficium. *L. 7. L. 8. C. h.* Unde egeus poena extraordinaria, *d. l. 1. d. l. f.* vel corporalis, *d. l. 7.* infligenda est.

OBST.





OBST. *l. f. §. 4. C. de Cust. reor.* ubi captis & pecuniarie damnatis datur hoc beneficium, si pœnam forte solvere nequeant.

RESP. (1) Loquitur de iis, qui sine fraude obarati, & custodiae traditi sunt.

RESP. (2) Constitutio hæc non est pars Corporis Juris, sed a privatis Jctis inserta, uti ex ipsa inscriptione apparet.

Qv. II. *An cessio fiat in tantum, quatenus facere potest?*

NEGATUR, Sed nec obolus relinquendus, *arg. L. 6. h. Laut. h. Laut. pag. 581. verb. Dissentit Treutl.*

DISSENTIT Treutlerus propter *d. L. 6.* ubi tantum, quantum facere potest, cedens tenetur, nec quotidiana alimenta auferuntur.

RESP. Agit de eo, qui cessit bonis, & deinde aliquid quæsit, uti si alimenta ipsi legata sint annua &c. tunc enim beneficium competentia in bonis, post cessionem quæsitis, habet.

Qv. III. *An cessio bonorum renunciari possit?*

NEGATUR, Quia ea renunciatio continet obligationem ad carceres, quæ non valet. *l. 71. §. 2. de Cond. Et dem. arg. L. 2. C. de Exat. Cui ren-*

DISSENTIT *Dn. Stryk. h.* quia, etsi nemo sit dominus membrorum, tamen actiones restringere potest.

RESP. Immo nec jus libertatis infringi potest.

Qv. IV. *An beneficium cessionis etiam ad fidejussores pertineat?*

NEGATUR: Quia personale beneficium est, quod nec ad hæredes, neque ad fidejussores transit. *L. 7. de Exc. L. 24. pr. de Re jud. Laut. pag. 582. verb. fidejussores nihil juvantur.*

OBJ. *L. 43. de Sol.* ubi accessiones quoque liberantur.

RESP. Per cessionem non liberatur reus a debito, sed a carcere; in *d. L. 43.* autem agitur de liberationibus ab ipso debito.

Qv. V. *An cedens infamia notetur?*

NEGATUR, Quia ex calamitate fit, *L. 11. C. Ex quib. caus. infam. Laut. pag. 582. verb. Cedens in-*

OBJ. *Nov. 135.*

RESP. Ignominiosum non est turpe, sed contemptus & calamitatis plenum; calamitas quoque contemptum parere potest, non infamiam.



## QUIBUS EX CAUSIS IN POSSESSIONEM EATUR.

Qv. I. *An magistratus municipales quoque in possessionem mittant?*

*Laut. pag. 582. verb. non etiam &c.*

**N**EGATUR: Quia mittere in bona magis imperii est: minoribus autem magistratibus pignora tantum capere licet. *L. 4. de Jurisd. L. 26. pr. & §. 1. Ad Mun. Vid. supr. tit. de Jurisd. qu. 6.* Nisi sententiæ exequendæ causa missio fiat. *L. f. de Off. ejus. L. un. Si quis jus dic.*

*Obj. l. 4. §. 3. de Damu. inf.*

**R**ESP. Magistratus Municipales id habent ex mandato Prætoris. *L. 1. h.*

Neque hodie id mutatum: nam concessa bassa jurisdictione, tantum multæ, vincula & pignorationes continentur: neque videndum, quid quandoque fiat, sed, si contendant duæ jurisdictiones, quid juris sit.

Qv. II. *An creditor conditionalis quoque mitti in bona possit?*

**A**FFIRMAT. *L. 6. pr. h.* quoties scilicet caveri ipse debet, adeoque ex iis tantum causis, quibus missio fit, ut cautum sit: ut in legatis, *l. 11. l. 4. §. 1. h.* vel si debitor latitet, *d. L. 6.* item si dolo debitor prodigat. *arg. §. 1. de Div. stip.* Id enim in primis pendente conditione petitur, ut securus sit creditor, *l. p. §. 1. ibi: interest ejus, cautum habere &c. h.*

Secus ergo, si missio fit ex iis causis, quas executio sequitur: ex secundo enim decreto creditor conditionalis mitti nequit, *d. l. p. §. f. l. 7. §. 14. h.* quia actuale debitum nondum hic est, indeque res vendi nequit.

Qv. III. *An missio fiat in bona debitoris, etiam sine dolo latentis?*

**A**FFIRMATUR: Quia missio hæc fit, ut cautum sit; nec ad hoc requiritur dolus, vel, ut intelligere possit debitor: unde hæc missio fit in bonis pupilli & furiosi. *l. 6. §. 1. l. 7. §. 1. h.*

At

